

四明叢書

張宗祥

甬上水利志目錄

卷一

城內河渠

水則喉閘橋梁附

清瀾池

日湖

月湖

卷二

東鄉三塘河

橋梁硨閘附

茅山河渠

橋梁附

卷三

東錢湖

塘堰硤閘附

大嵩河渠

塘壩硤閘附

卷四

南鄉河渠

橋梁硤閘附

卷五

西鄉河渠

橋梁硤閘附

十字港

橋梁

舊廣德湖

顏公渠 橋梁附

卷六

鄞江 橋梁江塘堰壩附

慈谿江

奉化江

甬上水利志卷五

清鄞 周道遵介園考述

西鄉河

有二源一源出大雷諸山下流四達其北行者直抵西壩爲西河塘由西津橋折而東五里至高橋一源出林村下寮山相傳爲僧智回卓錫處從地中出滾滾作浮漚名靈泉又別有湧泉二水合流經雙瑞橋至泥峙堰分爲二流一從堰下入林村大溪注十字港歷望春橋與高橋來水會一至湖泊注石塘東合

高橋水二十里直冲入西水門直進二里許歷惠政橋至石灰埧始南折形家以正金方衝入爲忌而不能有所更也其自望京橋側北入慶豐橋爲城下大濠至保豐硯自大卿橋西北入新河橋乃宋寶祐四年判府吳潛鑿新河建此橋引西塘河水北入環海會寺而東出新塘橋合西濠之流北至保豐硯而注之江灌田數千頃其自大卿橋西南入則爲鄮山書院橋管江岸大禹王廟前後壽安橋諸河自望春橋南入雙眼橋則爲龍舌新莊布金寺前等河自望春

橋南入西折入包家橋則為十字港等河另見後

蔣樗庵水利考所歷橋梁凡十有七曰望京橋大卿橋工部尚書

陳恭宅其地故名南達鄭山書院橋北抵西關外大街西成橋北抵官路新莊湖田等處

望春橋又名慶寶北抵官路新橋北抵官路上升橋

北抵官路高橋宋寶祐四年重建高三丈三尺五寸

南達湖田長九丈八尺上下凡六十六級洞闊

三丈八尺東達西津橋東抵官路至西湖泊橋東達

西關西達石塘西達林村市以上慶豐橋望京橋北側新河橋

自西門至西壩一路東達西關新塘橋南達西門大街賣魚橋西南達西

北達高橋莊坊金版橋馬功橋東達寶豐碑西達梁山

以上慶豐橋內并新鄮山書院橋北達大卿橋南達仲家橋火燒

河橋內環合諸橋南達祖關北達義衣港

宋袁商重建高橋記建炎三年金虜犯明州戰於高橋而遁由是六龍駐蹕錢塘用再造我區夏橋雖更紹興重建然年深木腐石泐壞輒修修輒壞民不惟病涉亦病修寶祐四年履齋吳公以大制使判府事一政一事靡不經意暮年之間官府肅而田里安翕翕然興誦興矣公猶以爲未也暇之日周覽塵野指是橋而歎曰中興諸將戰功凡十有三實自此橋

二捷始今圯不可支非所以識舊也乃捐金召工撤而新之結洞爲橋純以石雄峻堅密城內外諸橋可俯而視之矣旣落成邦之人上屬商爲之記竊謂橋梁之設所以便民也造舟爲梁旣昉於周至鄭以乘輿濟而君子不以政予之則夫善牧民者殆不可以細故忽也秦以前未聞梁石近代以來名都要會閒用之如吳之垂虹閩之方安不過枕煙水梁海波皆無與乎政之激勸斯舉也可以昭中興之聖烈可以旌江表之虎臣其感人心也有義用民力也有仁蓋

將風厲乎天下匪直私惠乎鄞人信賢相之作牧發
於心見於事知所先務實不與他人均鄞之人因是
得以覘公之經綸矣橋去西門外十五里高三丈三
尺五寸長九丈八尺上下凡六十六級洞闊三丈八
尺

十字港

廣德湖址自望春橋西南悉是今湖田之渠不能備
載而十字港乃一大關會也其東自東港口抵望春
橋西自西港口抵林村南自南港口抵清店蔣山湖

後其北則自北港口出至高橋之南卽九里十條橋

一路蓋自望春橋南折又西折歷包家橋一帶亦林

村大雷之水所由入城也其上橋梁凡二十一曰雙

眼橋

俗呼雌雄橋

包家橋

今改寶稼橋

龍宮橋

俗呼白龍王廟橋

顏家

橋中鎮橋

俗呼買麵橋

屠家橋漢太師廟橋袁打車橋十

字港橋

卽東港口橋今改集土以上十字港之東

楊官人橋望春山前聖仙

橋

俗名廟橋

關山橋礮溪橋武陵橋

俗名板橋

萬安橋俗名洞橋流

花橋張洗馬橋翠山寺橋

圓洞跨溪上下百級

鳳舉市橋以上十字

灌老

林村市盤橋

宋熙寧初建乾道六年監在務范淮率鄉人易木以石洞橋在林

村

二ノ系元

約圖刊本

舊廣德湖

縣西一十二里舊名髀脰湖唐大曆八年縣令儲仙舟加修治之更以今名貞元元年刺史任侗又治而大之宋建隆間錢億爲守之初復奏乞於諸縣農隙集鄉夫萬人爲十隊以官吏分董開鑿之役當時嘗給米九千石錢五千萬公復出金千緡以相其費周迴凡萬有二千八百七十一丈驕陽鑠石無旱暵之患淳化中禁民敢田者至其後遂著之於一州敕大

中祥符年蘇耆爲守以湖壞漏不補復而浚之熙寧
元年邑令張岫增築環湖之隄凡九千一百三十四
丈又總爲硤九爲埭二十湖之興已數百年而民之
請爲田危於廢者屢矣

乾道
圖經

至政和間邑人樓昇服

除到闕蔡京不喜昇而鄭居中喜之始至除興仁守
已奏可京乃改知遼州月餘又改隨州不滿意也異
時高麗入貢絕洋泊四明易舟至京師將迎館勞之
費不資崇寧加禮興遼使等置來遠局於四明侍人
鄧忠仁領之忠仁實在京師事皆關決昇欲舍隨州

而得明州會辭行上殿於是獻言明州廣德湖可爲
田以其歲入儲以待麗人往來之用且欲造畫舸及
涉海巨航以須朝廷遣使皆忠仁之謀也旣對帝悅
卽改知明州以典鄉郡經理湖爲田八百頃募民佃
租歲入米僅二萬石於是西七鄉之田無歲不旱異
時膏腴今爲下地廢湖之害也紹興間寶文閣待制
李光泰嘗欲復湖卒不能復王庭秀作湖興廢記異
之堦王正己爲廢湖辯以飾之今雖廢而前之有利
於七鄉者其德甚廣不可沒也

聞志

宋曾鞏廣德湖記鄞縣張侯圖其縣之廣德湖而以
書井古刻石之文遺余曰願有紀蓋湖之大五十里
而在鄞之西十二里其源出於四明山而引其北爲
漕渠泄其東北入江凡鄞之鄉十有四東七鄉之田
錢湖溉之其西七鄉之田水注之者則此湖也舟之
通越者皆繇此湖而湖之產有鳧雁魚鼈茭蒲葭菰
葵蓴菱芡之饒其舊名曰罍脰湖而今名大曆八年
令儲仙舟之所更也大中元年民或上書請廢湖爲
田任事者左右之爲出御史李後素驗視後素不爲

撓民以得罪而湖卒不廢刺史李敬方與後素皆賦
詩刻石以見其事其說以爲當是時湖成三百年矣
則湖之興其在梁齊之際與宋興淳化二年知州事
邱崇元躬按視之而湖始復轉運使言其事詔禁民
敢田者至其後遂著之於一州敕咸平中賜官吏職
田取湖之西山足之地百頃爲之旣而務益取湖以
自廣天禧二年知州事李夷庚始正湖界起隄十有
八里以限之湖之濱有地曰林村砂末曰高橋臘臺
而其中有山曰白鶴曰望春自太平興國以來民冒

取之夷庚又命蔡絕而湖始復天聖景祐之間民復相率請湖爲田州從事張大有按行止之而知州事李照又言其事報如至道詔書照以刻之石自此請湖爲田者始息而康定某年縣主簿曾公望又益治湖至張侯之爲鄞則湖久不治西七鄉之農以旱告張侯爲出營度民田湖旁者皆喜願致其力張侯計功賦材擇民之爲人信服有知計者使督役而自主之一不以屬吏人以不擾而咸勸趨於是築環湖之隄凡九千一百三十四丈其廣一丈八尺而其高八